

Oleh Hafiz Ithnin
hafizithnnin@mediaprima.
com.my

Arkitek sememangnya memainkan peranan penting dalam mereka bentuk bangunan termasuk kediaman.

Malah, kebijaksanaan golongan itu didambakan bagi memastikan keadaan penghuninya dalam keadaan selesa.

Tanpa disangka, penularan pandemik Covid-19 menjadikan manusia perlu lebih kreatif menjalani normal baharu kehidupan demi memastikan kesihatan terjaga. Pelaksanaan Perintah Kawalan Pergerakan (PKP) diikuti Perintah Kawalan Pergerakan Bersyarat (PKPB) juga memerlukan penghuninya hidup dalam suasana baharu dengan kediaman peribadi adalah tempat paling selamat.

Pensyarah Kanan,

KETIKA PKP, penghuni kediaman kecil kurang selesa (gambar hiasan).



AKTIVITI kanak-kanak menjadi terhad apabila digalakkan berada di luar rumah kerana PKPB. (gambar hiasan).




Jabatan Senibina, Fakulti Rekabentuk dan Senibina Universiti Putra Malaysia (UPM), Dr Mohd Zairul Mohd Noor mempunyai pandangannya tersendiri mengenai peranan arkitek yang seharusnya lebih lestari ketika berdepan sebarang kemungkinan dalam kalangan masyarakat termasuk penularan pandemik Covid-19.

Katanya, ada yang ketika ini duduk di rumah yang selesa, tap air hanya perlu dipusing untuk dibuka dan katil yang sentiasa rapi untuk ditiduri, mungkin terlupa ada 'ruang' yang tidak selesa bagi sesetengah pengguna di ibu kota.

"Peranan arkitek seharusnya memikirkan kesan jangka panjang dan jangka pendek dari reka bentuk ruang yang tidak kondusif bagi penghuni kota ini.


"Sekiranya PKPB ini

ARKITEK perlu mempunyai idea yang lebih lestari dalam seni bina (gambar hiasan).



KESAN RUANG TIDAK KONDUSIF

Psikologi alam sekitar adalah bidang kritikal perlu dititikberatkan arkitek ketika mereka bentuk sesuatu ruang



RUANG
kediaman yang
kecil menjadikan aktiviti
terhad dalam keadaan PKP
(gambar hiasan).



DR Mohd Zarul

disambung lagi, pelbagai masalah sosial akan terjadi mungkin disebabkan reka bentuk yang tidak menitikberatkan aspek sosio budaya masyarakat ibu kota.

"Justeru, peranan arkitek bagi membantu penciptaan ruang yang lebih kondusif kepada masyarakat kurang berkemampuan.

"Malah arkitek juga harus memikirkan aspek sosio budaya dan demografi masyarakat setempat selain tidak sekadar menurut

kehendak pemaju yang hanya mementingkan keuntungan," katanya.

Beliau turut menyarankan pihak berwajib supaya reka bentuk rumah kos rendah di masa hadapan haruslah menitikberatkan aspek kemanusiaan, sosial penduduk, pembangunan yang berasaskan manusiawi, menggalakkan sifat hormat sesama individu serta ruang mencukupi bagi perkembangan anak-anak.

"Kepada pihak pemaju, usahlah memikirkan keuntungan semata-mata. Kehidupan anak-anak flat ini juga amat berharga bagi masa depan negara. Teringat lagu dari Aman RA berkenaan 'budak flat bangun!. Mereka juga ada cita-cita, ada harapan dan tidak harus disisihkan dari arus perdana.

"Reka bentuk bangunan sebenarnya mempunyai pertalian langsung dengan kehidupan dan sikap manusia di dalam

ruang itu.

"Menurut kajian dari Walid ruang sesuatu tempat boleh mempengaruhi perilaku penggunanya. Ia juga berkaitan dengan fizikal dan psikologi pengguna ruang berkenaan," katanya.

Persoalannya berapa ramai arkitek yang menjadikan psikologi sebagai asas mereka bentuk sesuatu ruang? Psikologi alam sekitar adalah bidang kritikal yang perlu dititikberatkan arkitek ketika mereka bentuk sesuatu ruang.

"Arkitek yang bertanggungjawab mereka bentuk sesuatu ruang dengan menitikberatkan elemen seperti hubungan manusia dengan alam sekitar bagi memastikan penghuni ruang itu bukan hanya tinggal tetapi dapat menjadi manusia yang dapat menghargai hubungan sesama komuniti dan hubungan dengan Pencipta serta alam sekitar," katanya.

Zairul berkata, arkitek harus bertindak balas terhadap keperluan manusia dan membuat andaian bagaimana manusia akan bertindak balas terhadap ruang yang mereka cipta.

"Ruang yang positif juga harus menjadikan penghuninya kreatif berinspirasi, boleh berfikir dengan tenang dan rasional, bertindak waras dan tidak menjadikan tekanan sebagai alasan bagi menidakkannya hak orang lain," katanya.